



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

III. Ingressus Christi in Ierusalem in die palmarum.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

ret in unum. Vers. 56. Querebant ergo Iesum, & loquebantur ad inuicem in templo stantes: quid putatis, quia non venit ad diem festum? Dederant autem illis Pontifices, & Pharisei mandatum, ut si quis cognouerit, ubi sit, indicet, ut apprehendant eum.

CAPVT III.

Ingressus Christi in Ierusalem in die palmarum.

FIGVRAE. 1. Agnus immolandus inducitur quinq; diebus ante Pascha, Exod. 12. 3. 4. 5. 6.

2. Axa filia Caleb data Othonieli in uxorem, sedens super asinam petit à patre terram irriguam, qui dat illi irriguum superius, & irriguum inferius. Ios. 15. 17. 18. 19.

3. Saul dum sollicitè quærit deperditas asinas patris, vngitur in regem super filios Israël. 1. Reg. 9. 1. 2. 3.

4. Simon Machabæus eiectione de ciuitate Ierusalem immunditijs gentilium intrauit in eam cum hymnis benedicens Deum, in arcem verò cum ramis palmarum. 1. Mach. 13. 47. 48. 49. 50. 51. Et flexus Simon non debellauit eos: eiecit tamen eos de ciuitate, & mundauit edes, in quibus fuerant simulachra, & tunc intrauit eam cum hymnis benedicens Dominum: & eiectione ab ea omni immunditia, collocauit in ea viros, qui legem facerent, & munivit eam, & fecit sibi habitationem. Qui autem erant in arce Ierusalem, prohibebantur egredi & ingredi regionem, & emere, ac vendere: & esurierunt valde, & multi ex eis fame perierunt, & clamor

clamauerunt ad Simonem vt dexteram acciperent
 & dedit illis, & eiecit eos inde, & mundauit arces
 a contaminationibus, & intrauerunt in eam tertio
 & vigesima die secundi mensis, anno centesimo se-
 ptuagesimo primo cum laude, & ramis palmarum,
 & cineris, & cymbalis, & nabilis, & hymnis, &
 canticis, quia corritus est inimicus magnus ex Israel.

5. Dum aufertur sceptrum de Iuda, ve-
 nit Messias. Genes 49. 10. 11. 12. vt fol. 66.

PROPHETIAE. 2. Esdr. 8. 15. Et vt
 predicent, & diuulgent vocem in vniuersis vrbibus
 suis, & in Ierusalem, dicentes. Egređamini
 in montem, & afferte frondes oliuae, & frondes ligni
 pulcherrimi, frondes myrthi, & ramos palmarum, &
 frondes ligni nemorosi, vt fiant tabernacula, sicut
 scriptum est. Iob. 29. 18. Dicebamq;: in nidulo
 meo moriar, & sicut palma multiplicabo dies. Psal.
 8. 3. Ex ore infantium & lactentium percipisti lau-
 dem propter inimicos tuos, vt destruas inimicum
 & vltorem. Psalm. 91. 13. Iustus vt palma flori-
 bit: sicut cedrus Libani multiplicabitur. Psalm.
 117. 25. 26. O Domine saluum me fac, o Domine
 bene prosperare: benedictus qui venit in nomine
 Domini. Hinc veniunt palmae quae sunt in ma-
 nibus sanctorum. 4. Esdr. 2. 43. 44. 45. Eius
 medio eorum erat iuuenis statura celsus, emine-
 ntior omnibus illis, & singulis eorum capitibus impo-
 nebat coronas, & magis exaltabatur: ego autem
 miraculo tenebar. Tunc interrogavi angelum, &
 dixi: qui sunt hi, Domine? Qui respondens dixit

mihi: hi sunt qui mortalem tunicam deposuerunt,
 & immortalem sumpserunt, & confessi sunt nomen
 Dei: modò coronantur, & accipiunt palmas. 2.
 Machab. 10. 7. Propter quod Thyrsos, & ramos vi-
 rides, & palmas praeferabant ei, qui prosperavit
 mundari locum suum. Apoc. 7. 9. Post haec vidi tur-
 bam magnam, quam dinumerare nemo poterat, ex
 omnibus gentibus, & tribubus, & populis, & linguis:
 stantes ante thronum, & in conspectu Agni, amicti stolis
 albis, & palma in manibus eorum. Cant. 7. 7. Sta-
 turatura assimilata est palma, & vbera tua botris.
 Isai. 40. 3. Vox clamantis in deserto, parate viam
 Domini, rectas facite in solitudine semitas Domini
 nostri. Vers. 9. 10. Super montem excelsum ascende tu,
 qui euangelizas Sion, exalta in fortitudine vocem
 tuam, qui euangelizas Ierusalem, exalta, noli timere.
 Dic civitatibus Iuda, ecce Deus vester, ecce Do-
 minus in fortitudine veniet, & brachium eius do-
 minabitur: ecce merces eius cum eo, & opus illius co-
 ram illo. Ibid. cap. 61. 1. 2. Ut predicare annum pla-
 cabilem Domino, & die ultionis Deo nostro: ut conso-
 larer omnes lugentes. Capit. 62. 10. 11. Transite
 per portas, preparate viam populo, planum facite
 iter, eligite lapides, & eleuate signum ad popu-
 los: ecce Dominus auditum fecit in extremis ter-
 ra. Dicite filia Sion: ecce saluator tuus venit, ecce
 merces eius cum eo, & opus eius coram illo. Zae-
 char. 9. 9. 10. Exulta satis filia Sion, iubila filia
 Ierusalem, ecce rex tuus veniet tibi iustus & salua-
 tor: ipse pauper, & ascendens super asinam, &

super

super pullum filium asinae. Et dispergam quadrigam ex Ephraim, & equum de Ierusalem, & dissipabitur arcus belli, & loquetur pacem gentibus: & potestas eius à mari vsq; ad mare, & à fluminibus vsq; ad fines terra. Ibidem capit. 14. 4. Et stabunt pedes eius in die illa super Montem oliuarum, qui est contra Ierusalē ad Orientem, & scindetur Mons oliuarū ex media parte sui ad Orientem, & ad Occidentem praeceptu grandi valde, & separabitur medium montis ad Aquilonem, & medium eius ad Meridiem.

VERITAS. Matth. 21. 1. 2. 3. 4. 5. 6. 7. 8. 9. 10. 11. 12. 13. Et cum appropinquasset Ierusalē, & venisset Bethphage ad Montem oliuae: tunc Iesus misit duos discipulos, dicens eis. Ite in castellum quod contra vos est, & statim inuenietis asinam alligatam, & pullum cum ea; soluite, & adducite mihi: & si quis vobis aliquid dixerit, dicite quia Dominus his opus habet, & confestim dimittet eos. Hoc autem totum factum est, ut adimpleretur quod dictum est per prophetam dicentem: dicitur in libro Ieremiae, ecce rex tuus venit tibi mansuetus, sedens super asinam, & pullum filium subiugalis. Et discipuli autem fecerunt sicut precepit illis Iesus. Et adduxerunt asinam, & pullum: & imposuerunt super eos vestimenta sua, & eum desuper sedere fecerunt. Plurima autem turba strauerunt vestimenta sua in via, alij autem cedebant ramos arboribus, & sternebant in via: turba autē quae praecedebat & quae sequebantur, clamabant, dicens: Hosanna.

Hosanna filio David: benedictus qui venit in nomine Domini: Hosanna in altissimis. Et cum intrasset Hierosolymam commota est vniuersa ciuitas dicens. Quis est hic? populi autem dicebant: Hic est Iesus propheta à Nazareth Galilæe. Et intrauit Iesus in templum Dei & eiciebat omnes vendentes & ementes in templo, & mensas numulariorum & cathedras vendentium columbas euertit, & dicit eis. Scriptum est, domus mea domus orationis vocabitur, vos autem fecistis illam speluncam latronum. Similia Marc. 11. 1. 2. 3. 4. 5. 6. 7. 8. 9. 10. 11. Et Luc. 19. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. Sic Ioan. 12. 12. 13. 14. 15.

CAPVT IV.

Christus mittit duos de discipulis ad parandam cœnam, & valedicit matri.

FIGURAE. 1. Rebecca occurrit cum hydria aquæ famulæ Abraham quærenti sponsam filio suo. Genes. 24. 41. 42. 43. 44. 45. 46.

2. Dum Saul quærit Samuelem occurrunt pueri haurientes aquam in ipso ciuitatis ingressu quem Samuel solenni adhibet cœuiuiio, & sequenti die in Regem vngit. 1. Reg. 9. 11. 19. 20. 21. 22. 23. 24.

3. Valefaciente Tobia parentibus, flent parentes. Tob. 5. 22. 23. 24. 25. 26. 27. 28. Tunc paratis omnibus quæ erant in via portanda, fecit Tobias vale patri suo, & matri suæ, & ambulauerunt ambo simul. Cumq; profecti essent, cœpit mater eius
S flere